

Na osnovu člana 64. stav 1. tačka b)., člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14), te na osnovu preporuke Komisije za nabavke, a po provedenom postupku za nabavku roba putem konkurentskog zahtjeva, Rukovodilac Stručne službe za poslove Gradonačelnika, donosi

**ODLUKU
o izboru najpovoljnijeg ponuđača**

Član 1.

Prihvata se preporuka Komisije za nabavke, te se ugovor za nabavku novogodišnjih paketića za djecu sa posebnim potrebama, nakon primjene preferencijalnog tretmana domaćeg, dodjeljuje ponuđaču „INTER-COM“ DOO ZENICA koji je dostavio svoju ponudu broj: 0514-11/16 od 08.12.2016. godine u kojoj je ponuđena cijena od 12.988,00 KM bez PDV-a odnosno 15.195,96 KM sa uračunatim iznosom PDV-a.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 14-14-7953-2016 od 29.11.2016. godine. Postupak nabavke je proveden konkurentskim zahtjevom za dostavu ponuda za koji je objavljeno Obavještenje o nabavci broj: 1004-7-1-135-3-119/16 na Portalu javnih nabavki dana 29.11.2016. godine.

Postupak nabavke provela je Komisija za nabavke imenovana Rješenjem broj: 14-14-7953-2016 od 29.11.2016. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 5 (pet);
- da je blagovremeno zaprimljeno 5 (pet) ponuda;
- da nije bilo neblagovremenih ponuda;
- da su 3 (tri) dostavljene ponude prihvatljive, a 2 (dvije) neprihvatljive.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač „INTER-COM“ DOO ZENICA dostavio prihvatljivu ponudu sa najnižom cijenom nakon primjene preferencijalnog tretmana domaćeg, te je odlučeno kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove odluke.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Stručna služba za poslove Gradonačelnika
Broj:14-14-7953-2016
Datum, 12.12.2016. godine

RUKOVODILAC STRUČNE SLUŽBE

Svjetlana Kakeš